

[www.BibleForChildren.org](http://www.BibleForChildren.org)

# Matei 26



Pagahigali  
masoba sita kabula  
jukuhika tipati ja  
Pasaka, Yesu jwahika  
ku Betania kojwabia jutama  
Lazalu joanhyoa. Malia  
jwajukua mahuta gaganungi  
ga bei ngolongu nusu lita  
galenganaki kunkongu  
gobugukema nado, nukumpaki Yesu  
mumagolu nukunhungu kwa  
majunzu gaki. Nyumba joti jatweli  
ulumba wa mahuta gaganungi.



Ndipala, Yuda Isikalioti, jumu kati ja banafunzi komi na habeli, jajenda kwaka agolu ili kung'anambuka Yesu. Agolu akolongu pabajoa lijambu lee batenda kutogule, nukundagi kumpekee lupija. Ndienu, Yuda jatumbuka kutaputa mbekenyu ju kunng'anambuka Yesu.



Ndienu banafunzi bahenga ngati Yesu ejaapwagila, na bombi baandia posu jakula Pasaka. Pababiya bakakula, Yesu jwajukua libumunda, ansengula Sapanga, jamega, jaapekia banafunzi baki japwaga, "Nnzukua mkula, jenze nhyega jango."




Ndipala jajukua nnzipuli wa divai ja zabibu jwasengula, jaapekia koni jupwaga, "Nkunywa mwaboa.

Gongo mwai wango wa malagano gogujitika ndaba jakulekake bandu bingi ili alekakiwa mahakau."



Yesu japwaaga, "Simoni, Simoni! Joanya! Lijobi lipala kumpeta mwanganya ngati mundu ejupeta inganu. Lakini nugulobi kwaka Sapanga we hapa wa Simoni ili kunhobale kwaku kwiipongo, nanagu egwikelubuka wajangatiya ajaku anhobaliya nepani ngani." Petili ampwagila, "Bambu, nepani niijenda nawe pamu na weapa hata ku kipungu na hata kuwa." Yesu ampwagila, "Petili nugupwagi lelenu, kabula ji likongobi kubeka, wingana mala patato."



Ndipala Yesu jajenda pamu  
na banafunzi baki pandu  
pabapakema Getisemani,  
jaapwajila, "Ntamaniya  
pamba nane nyenda  
palapa kundoba Sapanga."  
Japwaga, "Atati bangu,  
kwaku weapa majambu goa  
gawesikana. Gumokia  
nzipuli gongo gukung'alika.  
Lakini kwikuba ngati  
embalane, ila kubia ngati  
egupala wee."



Ndienu, Yuda jahika kukijongu pamu nu nsambi wa alonda bikilumi na alonda ba Nyumba jaka Sapanga kuhuma kwaka Agolu na Afalisayu bababia baatumiki, babii na haya ya miotu ni ibonga na hindu yukukomane. Na jumu kati jabu andapula mpanga ntumi waka nngolu nkolongu, nuku nseku likutu laki la kumalele. Lakini Yesu japwaga, "Kotuka kutenda hela!" Jiligusa likutu laka mundu we hoju, nukulilamisa.



Ndienu bunkamula Yesu, bajenda naku ku nyumba  
jaka nngolu nkolongu, Petili jabia anzengalee Yesu  
munyuma su kutali. Bandu bangi bakoa mwotu  
pikilanda ja hua nukutama  
na Petili jahika kunyata  
mwotu pamu nabu.



Ntumisi jumu jwaka  
Nngolu Nkolongu,  
ndongu waka mundu  
joansekula Petili likutu,  
andalukiya, "Boo,  
nepani ngasenugubweni  
kukijongu kola pamu na  
Yesu?" Petili japwaaga kabee,  
"Ngahela" Apalapa likongobi  
latenda kubeka. Petili japita  
kunza nukulela ku usungu.




Ndipala boka batenda kujema, nu kumpeleka Yesu kwaka Pilatu. Pilatu andalukiya Yesu, "Boo, we lee Bambu Nkolongu wa Ayaude?" Yesu jajibua, "Ngati egupwagiki weapa." Pilatu japala kundekake Yesu, henu jalongila nabu kabee. Lakini bombi bajamalya kwa sauti, "Mumbambaliya mu nsalaba!"

Mumbambaliya mu nsalaba!"




Ndipala Pilatu ampia Yesu kwabu ili bummbambaliya punsalaba. Ndienu alonda bunzukua Yesu Yesu jaboka jutotwi nsalaba waki, baboka kujendane pandu pabapakema, "Lihupa lu umutu," kwi kiebulania akukema ku Goligota.



Pabumbambaliya Yesu punsalaba, pamu  
najombi bapumbambaliya punsalaba na  
bandu bangi abeli babambaliya  
pumisalaba jabu, jumu  
kumangega na  
jongi kumalele  
kwaka Yesu.



Ndipala, lipazia la Nyumba jaka Sapanga lajenduka hipandi ibele. Yesu jajamaliya kwa sauti ngolongu, japwaaga, "Atati, Mwamaboku gaku nijibeka loho jango!" Ejapwaaga hela jwatendakuwa.



Papuje, jahika Josepu mwenei juku  
Alimatayo, ntenga wa Sengu  
ngolongu, jwabii mundu  
jwiniisima. Kabee jwabia  
mundu jojulendale kuhika  
ku Ukolongu waka  
Sapanga. Ndienu  
anzendila Pilatu bila  
kujogopa, jaaloba

bumpekya nhyega  
jaka Yesu.



Papuje Josepu jalomba sanda  
jikitani, jijihelia nhyega je jela  
nukujiyongulakee sanda.  
Jabeka mlikabuli lelabii  
pililibu la soma, ndipala  
jwilihingalya lilibu  
likolongu kulibeka  
pundyangu.



Kilabu jaki, labia lisoba lukuandaa  
Lisoba lu Kupomulela, Agolu  
akolongu na aka  
Afalisayu bunzendila  
Pilatu, bumpwagila,  
"Nkolongo, tukomboka  
jojulonge isoli jola  
pajabi mwomi  
jwapwaga ati,

'Nagapetiki  
masoba  
matatu  
nitenda kuyoka."



"Ndi bajenda, bililonda litenge,  
bilibeka halama panani  
ji lilibu lela nakaabeka  
alonda."



Elapeta Lisoba lu Kupomulela, lisoba  
la juma pili pulukela ngani, Malia  
juku Magidala na Malia jongi  
jola bajenda kulinga litenge  
lela. Apalapa sapitila  
kililima kikolongu  
pundema, ndaba  
ntumi jukunani  
waka Bambu

jwatenda kuhuluka  
kuhuma kunani,  
juliingalitia lilibu lela  
pulutengu nukulitami  
panani.



Alonda bilitenge batenda kubagaja  
sulujogopu lukolongu, mbaka  
babia ngati atei kua.




Lakini ntumi jukunani jola jwaapwagila  
aka mbomba bala, "Mwee  
mwijogopa!" Japaga, "Nepani  
manyiki muntaputa Yesu  
jobumbambaliya pu  
nsalaba jola.

Ngasejubi pane,  
juyokiki ngati  
hejupwagike.

Nhika

nndingalia pandu  
pajwabii jugonile.



Aka mbomba bala baboka ku litenge kola  
koni ajogopa ngamaa na mioju jabu  
jitweli ndogulela nukujombatake  
kwaapwagi banafunzi baki.


Apalapa, Yesu jwaketangana  
nabu nakwaapwagi, "Jambu oti."

Aka mbomba bala bunzendila,  
nukukamu magolu gaki



nukungungamali.





Pamwisu Yesu japitila banafunzi baki komi na jumwa pababii pamu akula posu. Jalakalii ngamaa ndaba jukusinwa kuhobalee kwabu nu kusindwa kujoa kwabu, ndaba ngase baahobalii bababii bumbweni baada jukuyoka. Ndienu, Bambu Yesu ejajomula kulongee naku, jajukulika kujenda kunani jatama pikiteu saki su ubambu ukolongu pulutengu jaka Sapanga kwaatawala pamu najombi.



Ndaba Sapanga jaapai ngamaa bandu  
bupundema hata jaamua kumpia Mwana  
waki wakanzika, ili kila mundu  
joanhobaale ngajikuwe ila jubiya na  
womi wa masoba goha.



Aloma 3:23 Bandu boka atei mahakau nukupongukewa nu  
ulumbi waka Sapanga.

Aloma 6:23 Ndaba malepu ga mahakau ndi kuwa lakini  
nhupi jejupia Sapanga ndi womi wa masoba goti su kupete  
Yesu Kilisitu, Bambu witu.

Aebulania 9:27 Ndienu ngati ekubii kila mundu jukuwa  
mala jimu, ndienu jwiijema palongi  
jaka Sapanga kutemuliwa.

Aepesu 2:8,9 Ndaba, kwa uamboni waka Sapanga  
nkombuliwi kwi indela ju kuhobaleka. Lijambu le heli  
ngaselihikiki ndaba ju kuhenga lihengu ngani ila je nhupi  
pena kuhuma kwaka Sapanga. Ndaba ngaseihengiki kwa  
mahengu ginu henu jiikuba mundu ju kukipuna.



Aloma 10:9,10 Ana ujetaki kupete nndomu waku kupwaga Yesu ndi Bambu nuku hobale mu moju jaku kupwaga Sapanga anhyoa Yesu kuhuma kwa bandu baawi, wiitenda kuokoka. Ndaba mundu juhobale kwa mwoju nuku jetakewa kuba jwaamboni palongi jaka Sapanga, kabee kupete nndomu mundu jutenda kujetake kuhobale sukulonge, ndi jwiitenda kuokoka.

Yohana 3:16,17 Ndaba Sapanga jaapai ngamaa bandu bupundema hata jaamua kumpia Mwana waki wakanzika, ili kila mundu joanhobaale ngajikuwe ila jubiya na womi wa masoba goha. Ndaba Sapanga ngaseantumiki Mwana waki puundema ili jutemula bandu bupundema, ila jaakombula.



1 Yohana 5:11-13 Na malobi ge ndi ganga: Sapanga jutupekia womi wa yaka petapeta, na womi hogu gubii nkati jaka Mwana mundo. Mundu jokapi jojubii na Mwana waka Sapanga jubii na womi we hogu; na mundu jwanga kuba na Mwana waka Sapanga, ngasejubii na womi. Nunhandaki mwanganya majambu haga ili mmanya mmbii na womi wa yaka petapeta, mwanganya mo mulinhobale liina laka Mwana waka Sapanga.



Matei 26-28; Luka 22-24; Yohana 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Matengo Bible (mgv) ©The Word for the World  
International and Matengo Language Translation, 2020. All  
rights reserved.

<https://www.bible.com/bible/3941/GEN.1.MABV>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

